

【经文信息】大正藏第 21 册 No. 1284

佛说圣宝藏神仪轨经 2 卷

[卷上](#) [卷下](#)

No. 1284

佛说圣宝藏神仪轨经卷上

西天译经三藏朝散大夫试鸿胪少卿传教大师臣法天奉 诏译

归命一切佛菩萨 顶礼依法宝藏神
藏神欢喜令求者 成就牟尼一切事

今说宝藏神广大仪轨护摩法则。若持诵之人。须一向归命三宝先受灌顶。为一切众生慈心忍辱。如所说法深信依行。具此德者可行持诵仪轨之法。欲作此法先自安坐谛净身心。思惟清净之地可安贤圣堂殿之位。所有河岸边园林中山涧内。圣贤经行处有圣迹处。无盗贼处三恶不生清净处。但得一处殊妙。及无蛇虫蚊虻洁净地位。去其瓦石。取河岸上净土填令平正。以五种净水。诵心真言及外心真言八百遍。加持于水洒彼地上。起首先诵真言。如得好祥瑞之时。即于彼处或面东。或面西或面北。作广大殊胜贤圣堂殿。复用五种净水结净自身。其水仍加持八千遍。施一切众生及饿鬼等。然自志诚斋戒。一日三时沐浴。又于三时换着新净之衣。意中思念三妙解脱。如是而行。于晚间入此道场持诵至求。辰日半出时持诵终毕。然后用净水入净土少许。洗身上分。即默然面东。或面西或面北。端坐洗身下分。复别取净土和水漱口三遍。持圣无能胜真言。以手摩顶遍加持亦三。即得拥护自身。复顶礼贤圣诵心真言或外心真言。加持香水三遍。以水洒贤圣堂。即献二十种供养。结三昧印成金刚墙。结金刚橛印成金刚网。即以两手平掌相对。以二中指相并。无名指屈第三节。二头指附彼无名指背。二大指附二头指边。二小指如金刚针。作宝藏神根本印。此印结中间当得宝藏神得现。复诵根本真言。

曩谟(引)唎怛曩(二合)怛唎(二合)夜(引)野曩谟(引)么(引)尼婆捺唎(二合引)野摩贺(引)药叉细(引)曩(引)钵哆曳(引)唵(引)惹(惹敢反)婆罗惹隶(隶靳反)野娑嚩(二合引)贺(引)

复诵心真言。

唎怛曩(二合)婆捺唎(二合)曩帝惹(惹敢反)罗惹隶(引)捺唎(二合)野娑嚩(二合引)贺

复诵外心真言。

唎怛曩(二合)婆捺唎(二合)曩帝惹(惹敢反)婆罗谟契(启孕反)捺唎(二合引)野娑嚩贺

诵此真言已。即以二头指竖如金刚。此成金刚墙印。二头指如环此成金刚网印。如是头指相合。此成金刚椀印。此三印与宝藏神真言同用。得大拥护。

次请召贤圣。于贤圣前作香台。以无虫牛头檀香及沈香等作香烛。如是执彼香烛面向贤圣。合掌恭敬安身不动。即诵此真言。

噫呬曳(二合引)呬婆誑鑊

诵此真言已。即以大指屈入头指中间作召请印。复诵召请真言。

唎怛曩(二合)婆捺唎(二合)曩帝噫呬曳(二合引)呬祖嚕祖嚕驮唎驮唎惹罗曩舍野曩必哩(二合)野唎野娑嚩(二合引)贺

诵召请真言。已得贤圣降临。即合掌各令三只指屈第三节。以中指相并。大指相离。作宝藏神师子座印以献座。此印结中间。宝藏神并及眷属。皆坐其中而作施愿。

次作结净。用乌尸唎木作拂。画本尊贤圣色相。即以右手作拳左手按腰。作用拂印而用拂拭。诵结净真言七遍献于贤圣。真言曰。

唎怛曩(二合)婆捺唎(二合)曩帝贺唎贺唎唎祖誑唎(二合)贺唎拏(引)野娑嚩(二合)贺

复说曼拏罗结净仪则。以衢摩夷及香作泥。涂曼拏罗地。四方广阔十二指。若十二指已上亦合仪则。乃作结净印。即以两手各舒五指。指各相离而下按地。作结净印已。即诵曼拏罗真言七遍。真言曰。

啰怛曩(二合)婆捺啰(二合)曩帝俱胝罗俱胝罗(引)秣哩哆(二合)必哩(二合)夜(引)野娑嚩(二合引)贺

复说燃灯仪则。于新器中盛黄牛酥。用覩罗绵为灯炷。即以两手作拳相合。展两大指两小指。相合如针作宝藏神灯印。复诵灯真言七遍。真言曰。

啰怛曩(二合)婆捺啰(二合)曩帝护噜护噜钵啰(二合)迦(引)舍野娑嚩(二合)贺

复说洗浴贤圣仪则。若是金银玉石等像。即可以水洗浴像身。若是土埭彩画帧像等。以镜照像浴其镜像。或夜后对月浴于像影。作如是言我今献浴。即以两手合掌令二小指相叉。过二无名指入于掌中。二头指头相抵屈如环。二大指屈上节。此是洗浴印。复诵洗浴真言七遍。真言曰。

啰怛曩(二合)婆捺啰(二合)曩帝萨曩(二合引)曩必哩(二合)夜(引)佉咤佉咤婆惹罗供婆惹罗娑嚩(二合引)贺

复说涂香仪则。以无虫白檀牛头栴檀等香为涂香。结香印作如是言我今献香。即以二手大指相向。磔开二头指屈于中节。作涂香印。复诵涂香真言七遍。真言曰。

啰怛曩(二合)婆捺啰(二合)曩帝罗罗罗罗迦(引)罗迦罗酥嚩驮嚩驮必哩(二合)夜(引)野娑嚩(二合)贺

复说烧香仪则。以无虫白檀牛头栴檀沈香乳香等。于炉内装烧之时。作如是言我今献香。以二手大指头。捻中指等三指甲头。令二头指屈第三节。作烧香印。复诵烧香真言七遍。真言曰。

啰怛曩(二合)婆捺啰(二合)曩帝覩噜覩噜摩贺(引)度波必哩(二合)夜野娑嚩(二合)贺(引)

复说献花仪则。惹帝花摩隶迦花。曼陀罗花莲花。优钵罗花摩俱罗花等。而供养时。作如是言我今献花。即以两拳相向竖。展两大指作献花印。复诵献花真言七遍。真言曰。

啰怛曩(二合)婆捺啰(二合)曩帝补瑟波(二合)钵罗(二合)噜呬哩呬哩补瑟波(二合)祢(引)伽娑嚩(二合)贺(引)

复说五色粉坛献食仪则。用青黄赤白绿五色粉。以惹帝花摩隶花等裹过。专心粉曼拏罗。及献食时作如是言我今献食。即以两手五指平正按地。作五色粉坛献食印。复诵五色粉坛献食真言七遍。真言曰。

啰怛曩(二合)婆捺啰(二合)曩帝呬(引)呬(引)摩贺譬(引)曩(引)么隶必里(二合)野(引)输(引)婆(引)野娑嚩(二合)贺

若所献饮食。用上好粃糖乳蜜。造种种饮食及种种酥食。其酥酪乳糖蜜。名三味甜食食中最上。及用五谷食乳汁蔬菜等诸味具足。白日供献夜分即已。又以姜盐胡椒。三种具足作药叉食。每日夜分出此供养白日即已。若持诵者先须乞食。或乳汁蔬菜果子等。结斋食已净洗浴身。然可课习所持之法。令其精熟。以前三白等食。于贤圣堂外大树下而为供献。作如是言我今献食。即以二手平舒。十指端直。令二大指安掌中作献食印。

复诵献食真言七遍。真言曰。

啰怛曩(二合)婆捺嚩(二合)曩帝舍迦舍迦么隶啰(引)惹惹努剑波迦么隶捺(引)野迦祢(引)呬祢(引)呬娑嚩(二合)贺

复说铃仪则。须用新铃内有簧声相最妙者。安挂曼拏罗门楼之上。作如是言我今献铃。即以右手覆下作铃印。复诵献铃真言一七遍。真言曰。

啰怛曩(二合)婆捺啰(二合)曩帝枳尼枳尼健咤迦啰拏具(引)钗室里(二合)拏(尼所反)娑嚩(二合)贺

复说作盖仪则。以木作盖身。用新净白绫绢等为垂带。于带上画贤圣等。及于带中间以珠宝庄严。成其宝盖。作如是言我今献宝盖。即合掌顶礼。屈两手中间如盖相作宝盖印。复诵献宝盖真言七遍。真言曰。

啰怛曩(二合)婆捺啰(二合)曩帝仡里(二合)恨拏(二合)仡里(二合)恨拏(二合)蹉怛啰(二合)必里(二合)舒蹉怛啰(二合)啰叉迦娑嚩(二合)贺

复说幢幡仪则。所造幢幡宜用新鲜颜色。即以左手大指捻中指无名指小指。头指竖立少斜作幡印。以右手大指捻无名指及小指。竖立中指及头指。少斜振动作幢印。复诵献幢幡真言七遍。真言曰。

啰怛曩(二合)婆捺啰(二合)曩帝惹野惹野覩嚕覩嚕吠(引)惹演帝必里(二合)夜(引)野娑嚩(二合引)贺

如是二十种供养。其根本真言内心印外心印。加持供献皆可同用。复以二手作拳小指如针。作宝藏神印。此印中间见宝藏神得欢喜。我今说彼圣宝藏神曼拏罗。能令无财者得一切财无善者获一切善。能成就一切事灭一切罪。能得夜叉富贵。及得夜叉同住。

复说曼拏罗。名夜叉门。于清静无人陆地树林中。以衢摩夷涂地。种种香花恒用供养。诵夜叉真言作灌顶法。诵夜叉心真言作请召法。及依法粉坛。其曼拏罗令作四方。每方各开一门。方位周正。于曼拏罗中心安宝藏神。于宝藏上坐。依次第装严。身色作白黄赤。复作螺藏莲花藏。左名宝藏无量光。右名宝藏金光。东方安置夜叉王。东南隅名摩尼光。南方名宝光。西南隅名水光。西方名嚩啰羯啰[牟*含]。西北隅名伊舍那天。北方名宝贤。此八为大宝藏神眷属。若于此根本真言中求成就者。细意思惟如法依行。若不依者如行大地虚施辛苦。令彼求者反成魔事。是故一心于曼拏罗八眷属处。依法思惟志求成就。五逆重罪皆悉除灭。又持诵者先须受持斋戒。常行慈悲喜舍。所作曼拏罗先创一土台。四方平正以香水洒净。却移大力宝藏神安置东北方。却于曼拏罗中方安本尊释迦牟尼佛。结跏趺坐合眼如入定相。为三界师身真金色顶相圆满。一切庄严富贵第一。彼佛左边安大明菩萨。名恒沙无畏观自在。身具四臂色如鹅。如军那花如月。如真珠如乳色。坐莲华座手持莲华。头作发髻顶戴天冠。上有无量光佛作善相圆满。诵者作如是言我今献拂。即以右手大指捻小指甲。其余三指如金刚杵相。向上而转作献拂印。复诵献拂真言七遍。真言曰。

啰怛曩(二合)婆捺啰(二合)曩帝左摩啰左摩啰必里(二合)夜(引)野度咤度咤娑嚩(二合引)贺

复说佛身庄严仪则。所戴头冠宝带璎珞等。皆用金宝庄严。如阙金宝而以木作庄严之具。及用雌黄等色庄画衣服。作如是言我今献此庄严。即以二手大指。各捻中指下三指甲。以两手头指屈而相钩。向上转作庄严印。

复诵庄严真言七遍。真言曰。

啰怛曩(二合)婆捺啰(二合)曩帝弥伽(引)婆啰拏惹蓝(引)目伽曩娑嚩(二合引)贺

复说供养仪则。以殊妙花鬘香花宝物。及阙伽香药清净衣服眼药金筋。及五谷和合阙伽钵。供献贤圣作如是言。我今献阙伽供养。于师子座前。即磔开大指作阙伽印。复诵阙伽真言七遍。真言如前诵。如是持诵者。于此阙伽真言法等先作精熟。方可成就阙伽供养以颇璃宝等作十团食。如阙缘。以绿豆等五谷作十团食。如阙五谷。即以净土为十团食而用供养。次用果子。如尾惹布啰迦果等。应是吉祥甘美果子。有殊妙香味自落者。及果叶而为供养。次用香。如无妙香。但以有香气树皮及花为糝。作于香烛而为供养。次用酥灯。如无酥油。以尸哩沙木或松脂等。皆可燃灯而为供养。若粉坛用七宝糝。如阙缘即以五色米面为粉。如无米面。以上色白土或石糝净沙。染成五色可以粉坛。次为贤圣出食。如无饮食以果实药根等代用。如是仪则。诵人虽阙缘须具二十种供献。若作曼拏罗。须依行十波罗蜜。无其罪业者而得成就。不久速得法眼清净证无为果。若前十团食。用五宝或五金或五谷等。若用五谷为团食。须染成作五宝色。如以菉豆为食。即染为青色。假作大青宝等。而彼诵者作如是言。我今献阙伽等供养。

次说发遣仪则。用不虫白檀及牛头栴檀沈香龙华等。即以中指无名指与大指相捻。诵发遣真言加持七遍。然后三说。诸来贤圣随自方位各归本处。以其香糝向空掷之。用请召印磔开指头亦成发遣印。其发遣真言曰。

啰怛曩(二合)婆捺啰(二合)曩帝呬呬訖里(二合)哆(引)帝(引)左婆捺啰(二合)婆譏鏖捺(引)惹拏(二合)譏蹉譏蹉娑嚩(二合引)贺

持诵者乃自启言。我以信心为作利益。唯愿纳受此阙伽香花等。将自眷属乘虚空道。往本世界最上所居。火天等天。如楞严经天藏经等所说。如是诸方各有贤圣。东方过五十世界有世界名曰开花。彼有世尊名开花王如来。彼有菩萨名妙吉祥。而住于彼。西方有国名为极乐。彼有世尊名无量光如来。彼有菩萨名观自在。而住于彼。北方有国名阿拏嚩底。彼有圣金刚手菩萨宝贤菩萨。满贤菩萨及宝藏神等大菩萨。而住于彼。如是等众令还本位。前曼拏罗内所有幢幡宝盖。香花灯烛杖拂饮食。种种殊妙阙伽花等。当欲供献之。时持诵者。于贤圣右边面前而住。就左边供献持诵。及同事者即须预洗浴结净一依仪则。召请贤圣供献事毕。然后发遣。

佛说圣宝藏神仪轨经卷上

佛说圣宝藏神仪轨经卷下

西天译经三藏朝散大夫试鸿胪少卿传教大师臣法天奉 诏译

复次曼拏罗内所用供献之物。须具二十件。每日三时供献。辰时供物。午时酉时不得再用。须别换新者。若诵者力所不及。许纳价直回赎。于第二时第三时再将供献。每日三时皆然。直候得坛法。所求成就日。速纳前件一切价直。若供献时。即结幢印诵幢真言曰。

唎怛曩(二合)婆捺唎(二合)曩帝覩瑟也(二合)迦罗娑特嚩(二合)惹必里(二合)焰特嚩(二合)惹布惹迦娑嚩(二合引)贺

复说衣物仪则。以无虫匹帛造白衣二对。于衣上画金彩庄严塔相。作如是言我今献衣物。即以两手大指各捻头指屈如环。两环相钩。余指磔开作衣物印。复诵衣物真言七遍。真言曰。

唎怛曩(二合)婆捺唎(二合)曩帝地里地里摩贺(引)三母捺览(二合)么唎驮娑嚩(二合引)贺

复说扇仪则。用无虫匹帛作扇。其扇白色制度合仪。扇柄端直以金宝庄画二柄。作如是言我今献扇。即以左手屈小指于掌内。竖臂摇手作扇印。复诵扇真言七遍真言曰。

唎怛曩(二合)婆捺唎(二合)曩帝吠(引)览婆嚩(引)喻驮(引)唎迦迦罗娑嚩(二合)贺

复说拂仪则。作白拂如法庄画拂柄。用拂真言加持七遍。然后于东北方安置曩婆夜叉王。北方安毘沙门。西北方安摩贺曩婆。次安阿噜尼所(二合)大力夜叉王。次安钵捺摩护努护努迦。及酥细拏赞捺嚩咎婆句谟咤迦唎哆[口*尔]么摩护捺唎。次安尾布罗左夜叉女。此夜叉女最上端严。次安尾布览 左赞捺邻(二合引)输摩呬摩呬譏挽(引)左 酥路(引)左曩(引)左 钵纳摩(二合)娑唎(引) 酥部嚩(二合)嚩尾 左 夜叉尼 摩贺(引)么曳 酥枳细 左 嚩曩么(引)罗(引)左 必里(二合引)湿嚩(二合)梨 捺嚩(二合)摩么黎迦 左 萨里嚩(二合)迦(引)摩颇罗钵罗(二合)那(引) 及摩努(引)惹嚩(引)迦摩嚩闭 酥嚩(二合)哆嚩(引)吉也(二合) 酥[木*奈]里舍(二合)儻 摩护(引)譏唎(二合引) 唧(引)帝尾契也(二合)哆(引)等二十。或一百依次第安置于外方位。因陀罗等贤圣前。作金刚网轮枪杖螺鬘索幢三股叉。及于东门安戟金刚焰等。如是可及百种已上。以摩罗帝花摩梨迦花。裹五色粉。献涂香烧沈香。诵心真言请召宝藏神

及诸贤圣。诵本真言请召夜叉女。次献花鬘摩罗帝花殊妙莲花。优钵罗花迦难么花。俱鲁嚩花及紧输迦花。一切贤圣依次第献。以紫矿安悉香龙脑香白檀香同作护摩。于宝藏贤圣前。置种种花种种供养之物。或闻大恶声如得破坏。此是祥瑞不得恐怖。所求之事决定成就。当得宝藏神与大富贵。此则曼拏罗仪则。及所诵真言。

唵(引)惹敢(二合)婆罗惹邻(引)捺罗(二合引)野娑嚩(二合引)贺 阿地钵帝摩贺(引)夜叉啰(引)惹地摩呬(引)担努(引)夜叉钵啰(二合)冒(引)捺夜夜叉娑(引)尾怛里(二合引)唵(引)夜乞叉(二合)娑嚩(二合引)贺

次心真言。

阿南哆钵捺摩(二合引)野娑嚩(二合引)贺 夜乞叉(二合)尾儂也(二合引)野娑嚩(二合引)贺

次莲华藏真言。

阿喃哆商佉(引)野娑嚩(二合)贺

次螺藏真言。

啰惹哆曩(引)婆野驮曩(引)地钵哆曳(引)娑嚩(二合引)贺 酥曩(引)婆(引)野驮曩(引)地钵哆曳(引)娑嚩(二合引)贺 摩尼曩(引)婆(引)野驮曩(引)地钵哆曳(引)娑嚩(二合引)贺 啰怛曩(二合)曩(引)婆(引)野驮曩(引)地钵哆曳(引)娑嚩(二合引)贺 酥曩婆野驮曩地钵哆曳(引)娑嚩(二合引)贺 暗没曩(引)婆(引)野驮曩(引)地钵哆曳(引)娑嚩(二合引)贺 儂罗曩(引)婆(引)野驮曩地钵哆曳(引)娑嚩(二合引)贺 吠(引)室啰(二合)摩拏野驮曩地钵哆曳(引)娑嚩(二合引)贺 摩贺(引)曩(引)婆(引)野驮曩(引)地钵哆曳(引)娑嚩(二合引)贺 贺啰贺啰惹敢(二合)婆迦吽[口*登]咤娑嚩(二合引)贺 惹敢(二合)婆迦野羸捺啰(二合引)曳(引)娑嚩(二合引)贺 护噜护噜喃(引)曩(引)酥史拏(引)野娑嚩(二合引)贺 贺啰贺啰赞捺啰(二合)细(引)曩野娑嚩(二合引)贺 惹敢(二合)婆曩(引)野娑嚩(二合引)贺 摩护(引)捺啰(引)野娑嚩(二合引)贺 尾摩罗尾摩罗捺里舍(二合)儂(引)娑嚩(二合)贺 尾摩罗尾摩隶(引)尾舍(引)罗曩野儂(引)冒驮野娑嚩(二合引)贺赞捺览(二合引)输摩儂数布即以(二合)帝数布即以(二合)帝(引)赞捺里(二合引)赞捺啰(二合)摩帝娑嚩(二合)贺 赞捺览(二合引)输摩帝娑嚩(二合引)贺 阿嚩(引)贺儂酥路(引)左儂也钵捺弥(二合引)娑嚩(二合引)贺 钵捺摩(二合)娑啰(引)酥部噜(二合)摩努(引)啰弥(引)娑嚩(二合引)贺 酥部噜(二合)

酥部嚩(二合)嚩(引)护钵啰(二合)怛也(二合)曳(引)娑嚩(二合引)贺 嚩呬尾(二合)摩
 隶波致谟(引)致娑嚩(二合引)贺 摩贺(引)弥(引)佉酥吉(引)舍摩(引)隶酥吉(引)舍
 摩(引)隶吉(引)舍嚩啰尼娑嚩(二合引)贺 曩嚩摩(引)隶儂娑嚩(二合引)贺(引)乌骨
 (二合)底瑟姪(二合)布室左(二合)隶(引)娑嚩(二合引)贺(引) 捺嚩(二合)摩么(引)隶
 迦(引)颇隶捺嚩(二合)摩枳隶枳隶娑嚩(二合引)贺迦摩摩隶尾罗细儂娑嚩(二合)贺
 萨里嚩(二合)譏啰(二合)贺(引)摩努(引)惹味(引)嚩譏嚩帝娑嚩(二合引)贺(引) 迦
 (引)摩嚩闭婆(引)尾儂娑嚩(二合引)贺酥嚩(二合)哆嚩(引)吉也(二合)紧迦哩娑嚩(二
 合引)贺 酥捺里舍(二合)儂(引)迦(引)弥儂娑嚩(二合引)贺 摩护(引)譏里(二合引)
 婆野迦里娑嚩(二合引)贺 印捺啰(二合引)野祢(引)嚩(引)地钵哆曳(引)娑嚩(二合
 引)贺 阿譏曩(二合)曳(引)贺尾也(二合)地钵哆曳(引)娑嚩(二合引)贺 夜摩(引)野
 必里(二合引)哆地钵哆曳(引)娑嚩(二合引)贺

此等真言。能令一切天龙夜叉干闥婆阿修罗迦楼罗紧那罗摩睺罗伽必里哆毘
 舍左人非人等恭敬赞叹皆大欢喜。又此真言利益一切众生如如意宝如彼贤瓶
 如彼劫树。诸有所求皆得成就。我今说此真言之法令彼持诵。若彼不种善根
 众生暂闻此法。彼人永不堕于恶趣之难。若有种善根者众生之类。乐闻书写
 受持读诵。所得功德如佛如来功德无异。若有人受持心真言者。是人得入阿
 毘跋致。不久当成阿耨多罗三藐三菩提。永离恶道。是人贫不老无病无
 苦。种种之事俱得圆满。复得一切有情爱乐尊重恭敬供养。我今略说持此真
 言所获功德。假使一切贤圣及天龙夜叉干闥婆阿修罗迦楼罗紧那罗等。不能
 知此功德之量。说不能尽。如是我等及彼诸佛如来应供正等正觉。说此真言
 功德亦不能尽。何况菩萨摩訶萨声闻辟支佛及诸天人。知此功德之量而说尽
 耶。如来一切智智功德无边。此大力宝藏神所有功德。亦复如是。此真言王
 一切如来真实之心。能为一切世间主宰。救诸众生恶心者。调伏众生苦恼
 者。而能出生一切智慧。若求宝藏神。当于如来右边画神像。白色手执拂子
 仪相圆满。神像右边画金刚手菩萨。如青优钵罗花色。以真珠庄严仪相圆
 满。菩萨前画夜叉大悲宝贤子。如清水色身相圆满。面带善颜手执毘惹布罗
 果藏。着黄衣服大头冠破损座垂左足。如是诵人从头至足。一一观察仪轨具
 足。如是正观经一洛叉时。起心别作供养观行。想于水中所生诸花。陆地诸
 花种种好香。一切珍宝殊妙衣服。及饮食灯鬘等而用供献。得一切愿圆满。
 如是专心观想已。诵人复自白言。我依三宝仪则信受奉行。然后依天龙仪则
 作护摩法。观想宝贤大将。执持火来着护摩炉内。满贤大将炉中燃火。获财
 大将作清净法。多闻大将铺吉祥草座。如来仪则观想成就。次想头真言燃
 火。口真言请召。足真言作拥护求于成就。即作护摩满。手掷三度。诵真言
 曰。

阿誡曩(二合)曳(引)娑嚩(二合引)贺

即结吉祥等印。以二手作合掌。中间安置贤圣。观想诵真言。经须臾之间如风吹火。观想前所说乳汁作护摩一洛叉先献八大明王作护摩一洛叉。次献宝贤大明王。别作护摩一洛叉得大富贵。二洛叉得子孙兴盛。三洛叉有大罪之者。亦得成就之法。如是仪则专心恒作。次以水作护摩。用花裛水。以香水一千合作护摩献宝藏神。恒令得财恒获快乐。复作一千护摩得增长法。依如是仪则。如前观想作护摩满。献三合水家得增长。若作护摩五洛叉。能令佛像隐身及令伏藏出现。受用无尽获最上快乐。复作足真言口真言等。令一切所求之事成就。能禁怨家得过魔界永离深苦。行住坐卧所受福德与天帝释等。其法如是。

佛说圣宝藏神仪轨经卷下

【经文信息】大正藏第 21 册 No. 1284 佛说圣宝藏神仪轨经

【版本记录】CBETA 电子佛典 Rev. 1.9 (Big5)，完成日期：2009/04/23

【编辑说明】本数据库由中华电子佛典协会（CBETA）依大正藏所编辑

【原始数据】萧镇国大德提供，北美某大德提供

【其他事项】本数据库可自由免费流通，详细内容请参阅【中华电子佛典协会数据库版权宣告】
